

Laux Vangz youh gag youq diuz roen henz gunghyenz byaij bae byaij dauq, sing yaem roeg rwenz mbouj ndaej yinx de haeujsim bae dingq, de hix mbouj bae louzsim vamoq haetromh. De ciengzseiz lizhai gij dieg vunzlai, couhsuenq yawjraen miz gyoengq bouxlaux doxcaemz, siengj camgya, hoeng hix cij ra aen diegdingh bae naengh ngonz gyoengqde diuqfoux, ciengq heiq. Mbouj dwg mbouj siengj bae ra gienh saeh angq daeuj gaijmbwq, cijdwg lumj duzroeg ngamq daeuj aen ndoeng moq youq au sai seizgan bae roxnaj seiqhenz. Caiqnaeuz de dwg boux bouxlaux lajmbanj, daeuj daengz aen ndoeng ganghginh suijniz——aensingz ngamq ndaej buenq bi.

Laux Vangz caengz nem lwg de buen haeuj ndaw singz lij youq lajmbanj seizhaenx, de yiengjsouh dwk gij angqyangz ndaemnaz langh vaiz. Yienznaeuz yah de dai ndaej lai bi, de gag youq, hoeng youq lajmbanj miz hong guh caemhcai q miz caencik baengzyoux. Seizneix de youq gunghyenz cix ra mbouj raen gij angq ndwenngoengz moq, couh lumj roeglaej mbin haeuj ndaw gyoengq roeggacak bae nei. Mizseiz yawjraen daengngoengz doek bya fwj ndinghoengz, yinx hwnj de ngeixdauq: Youq mbanj guh hong dauq, caeuq vaiz caez byaij ma. Gizneix mbouj raen naz mbouj raen vaiz, bae gyawz ra saeh angq.

Lwgsai laux Vangz, Daegvangz, dwg boux lwghauq, hoeng mbouj rox sim daxboh. Yawjraen daxboh ngoenzngoengz bae gunghyenz youz cix naiqneknec dauqranz. Gienh saeh gvaiq neix cix hawj de ndaej ngeix de lij iq seiz roengzdangz boh bae coux de maranz, hoeng ciengz deng bae ra de, aenvih de ngah caemz lai, roengzdangz buet bae gyawz youz mbouj rox. Boh laux lwg ciengx, de hix siengj buenx daxboh, hoeng gyangngoengz de miz hong yaek guh! Baenzlawz guh ne?

Gyaeuj de baez cienq, song da fwt rongh, yawj coh bingzmuq soujgih, siengj ok aen banhlap ndei he. Caj daengz gyanghaemh caeuq laux Vangz caez naengh youq gwnz sahfaez,



□ Mwz Sungh / 麦嵩

de gangj: “Boh, mwngz youq singz lij youq ndaej gvenq lwi? Gou bang mwngz cawx aen soujgih, baenzneix mwngz couh ndaej ciengzseiz lienzhaeh gou lo.” Doq gangj doq dawz aen soujgih cinwngz hau youh moq ndenq daxboh. Laux Vangz ciepgvaqdaej, ndawsim lumj gaxgonq ranz miz aen densi nei gikdoengh, angq naeuz: “Gou hix suenq boux miz soujgih cinwngz lo!” Daegvangz dingqny, sim hix angqvauvau, gangj: “Boh, gyangngoengz gou bae guh hong, mwngz mbwq roxnaeuz siengj gou daengz banngoengz ndaej daj denva hawj gou gangjgoj.” Laux Vangz ngaekgyaeuj.

Huq moq cungj dwg ciuyinx vunz, mizseiz hix rox gaijbienq boux vunz he. Lwg baengzyoux Daegvangz cawx le aen dennauj ndei, couh caemmaez haeuj ndaw youzhi dennauj bae, bohme h de yungh sat banhlap cungj mbouj ndaej gouq de okdaej, gij vuenzyungz hix noix youq ndaw ranz ok gvaq lo. Ndae soujgih moq le, hainduj laux Vangz hix mbouj miz maz, gvaq geij ngoenz, Daegvangz lumj youq gwnz ndang boh yawjraen aen ngauez lwg baengzyoux de.

Gaxgonq laux Vangz moix ngoenz lij rox bae gunghyenz byaijbyaij yawjyawj, hoeng seizneix de engq gyaez youq ndaw ranz boenz soujgih, Daegvangz baez roengzban dauqranz couh yawjraen boh naengh youq sahfaez boenz soujgih, mizseiz lij cim ngoenz cungj baenzneix, Daegvangz yied daej yied you.

Daegvangz caegcaeg bae yawj boh dauqdaej boenz maz, cix deng

daxboh yawj rox, faj fwngz he sikhaek dangj bingzmuq soujgih, faj fwngz he naenx roengz gen’ gvanhghih. Couhsuenq baenzneix, Daegvangz da raeh yawjraen di, hix rox boh boenz maz, de gienq naeuz: “Boh, mwngz hix rox boenz veihsin lo, caen lek! Seizneix ciengzseiz miz gij sinhvwnz gangj vangjloz loxyaeuh. Raeuz mbouj ndaej deng yaeuh, au geiqmaenh: Louzsim gij seizgan boenz veihsin, siujsim vunzvaih caeuq gvangjgau gyaj, baujhoh ndei saenqsik swheij, hix gaej daiq maez soujgih bw……”

Laux Vangz mbouj gyaez dingq, lumj caiq dingq rwz deng nuk nei. Ciengj dwk gangj coenz he: “Rox lo!”

Daegvangz rox boh nyap lo, bak doq daengx, hoeng sim naemj: Mbouj ndaej hawj boh deng yaeuh!

Ngoenzsinghgiz, ndit ndei va hai, Daegvangz ndaejhoengq, muengh caeuq boh caez okbae youq ndaw singz cienqciengq, hoeng laux Vangz engq ngah youq ranz. Daegvangz rag fwngz boh siengj okdou, laux Vangz cix mbouj nyienh byaij, gangj: “Caj di, okbae couh mbouj miz Wifi lo. Gou au veihsin caiq caeuq baengzyoux gou gangjgangj goj yaep ndeu.”

Daegvangz ra raen gihvei, dawz gvaq souhghih boh yo ndei. De gig vaiq youq gwnz soujgih swheij saeuj diuz sinhvwnz de caeux ra ndei, hawj daxboh yawj, caemhcai q doiq boh naeuz: “Boh, mwngz yawj, ngah boenz soujgih doiq ndang vunz mbouj ndei, gaxgonq gou hawj mwngz cawx soujgih mbouj dwg muengh mwngz maez boenz de!” Sing Daegvangz gangj vah miz di hung, de muengh boh

ndaej dingq haeuj rwz.

Laux Vangz deng lwg naeuz, sim baenzlawz ndaej fug, hoeng dingq vah lwg gangj hix mingzbeig di, de naeuz: “Lwg a, aen singhgiz ndeu, 5 ngoenz mwngz cungj bae guh hong, caeux bae haemh dauq, baenzlawz rox gou gwq boenz soujgih, lij naeuz gou maez soujgih dem.”

Raen Daegvangz mbouj oksing, de youh naeuz: “Ngoenzhaenx, gou bae gunghyenz, miz aen donz bouxlaux hag daigizgienz cingq ciu vunz. Miz boux bouxlaux gvaqdaej iu gou camgya, gou naemj haeuj ndaw bae lienh ndang hix ndei, couh doengzeiq lo. Haeujbae le au sauimaj gyoengqde haeuj aen ginzveihsin, naeuz youq gwnzde doxiu gij seizgan lienh ndang. Seizde yienznaeuz gou ndaej soujgih hauilai nanz, hoeng lij mbouj rox yungh, gyoengqde couh menh son gou. Youq ginzveihsin mboujdan iu seizgan lienh ndang, lij roxnaj hauilai baengzyoux moq, caeuq gyoengqde gangjgoj gig miz yinxdaeuz, hawj gou roxnyinh youq ndaw singz mbouj caiq dwg boux dog lo. Bingzciengz dou bet diemj daengz cib diemj hag daigizgienz, banringzgvaq song diemj daengz sei q diemj youq aen diemq gwn caz gangjgoj……”

“O! Dwg baenzneix……” Daegvangz baezneix cij rox, dwg de siengj loeng lo. Daj buen haeuj singz hwnj, hong yied lai yied muengz. Hong lumj hawj swheij caeuq daxboh baen baenz song aen sei qgyaiq, yawj mbouj raen hix dingq mbouj nyi sim daxboh caencingq baenzlawz naemj. Daegvangz yawj dwk soujgih, fwt ngeix hwnj: “Hei! Boh, raeuz boh lwg song boux lumj caengz gya veihsin, gya le raeuz doxgyau couh fuengbienh lo.” Laux Vangz riu naeuz: “Ndei a, vaiq di, daeuj.” Daegvangz ndenq soujgih daxboh dauq, laux Vangz coux gvaq suglien h dwk sauimaj gya baengzyoux veihsin Daegvangz.

Cib ndwen doeklaeng, laux Vangz au ndaej boux bawxmoq he, Daegvangz hix youq de ndaej 20 geij bi caiq coux daej boux daxmeh moq, miz vunz buenx laux Vangz ndawranz ngoenzngoengz cienz ok sing riu.

Go Lwgnyez Ndaw Hagdangz

校 园 童 谣

□ Vangz Gveiyangh / 黄桂香

Seiq、Ganjwnh 感恩

1. Go Gyaez Runghbenj 我爱弄贬

Mbanjcuengh Runghbenj dwg ranz gou, Funghgingi gyaeunde lumj fuk veh. Saimbwk lajmbanj dinfwngz gaenx, Gaenx guh mbaet yungh cienz mingz ndei. Runghbenj Siujyoz son ndaej ndei, Lauxsae hagseng gig doxgiat. Son saw son laex mbouj lumz goek, Roengzrengz hagsib riengz dangj byaij. 弄贬山村是我家,风光秀丽美如画。村庄儿女多巧手,勤劳致富传佳话。弄贬小学好学校,师生和谐好融洽。教书育人不忘恩,好好学习听党话。

2. Ganjwnh Haeuxringz 感恩午餐

Haeuxringz mienxcienz haeuj hagdangz, Hagseng angqyangz docih dangj. Aencingz duh dangj lumj daengngoengz, Geiq youq ndawsim mbouj rox lumz. 免费午餐进校园,学生感谢歌声遍。感恩浩荡同太阳,知恩图报记心间。

Gwn haeuxringz mienxcienz angq lai, Dangj hawj raeujrub geiq ndawsim. Saeseng caezsim engq roengzrengz, Hag ndei bonjlingx mauh fwen danq. 免费午餐欢乐多,党的温暖记心窝。师生同心更努力,学好本领胜赞歌。

(caengz sat)



Cinzbaizdauj Sanglinz.

Dozswih